

Na osnovu člana 8.Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) , člana 46. Zakona o pravobranilaštvu („Službene novine Kantona Sarajevo“, broj 33/08, 7/12 i 44/16) i člana 13. Odluke o pravobranilaštvu Općine Vogošća („Službene novine Kantona Sarajevo“, broj: 27/02, 19/07 i 12/18), Općinski načelnik objavljuje

JAVNI OGLAS ZA IMENOVANJE PRAVOBRANIOCA OPĆINE VOGOŠĆA

Pravobranilac Općine Vogošća.....1 izvršilac

- imenovanje se vrši na period od 4 (četiri godine, sa mogućnošću ponovnog imenovanja)

Opis poslova Pravobranioca Općine Vogošća:

- Vršiti poslove pravne zaštite imovine i imovinskog interesa Općine
- Izuzetno od odredaba predhodnog stava, Pravobranilac vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Općina, a po zahtjevu osnivača, odnosno suosnivača
- Vršiti poslove zastupanja u sudskim postupcima i upravnom postupku
- Daje pravna mišljenja u postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Općine
- Daje pravna mišljenja u vezi sa zaključivanjem ugovora imovinsko-pravne prirode
- Daje pravna mišljenja prije zaključenja ugovora kojim se pribavljaju stvari ili raspolaze stvarima, odnosno materijalnim pravima ili uređuju imovinsko-pravni odnosi, prava i obaveze prema stvarima u vlasništvu Općine
- Obavlja i druge poslove i zadatke iz nadležnosti Pravobranilaštva utvrđene zakonskim i drugim propisima.

Opći uslovi:

- Da je državljanin Bosne i Hercegovine
- Da je stariji od 18 godina
- Da nije otpušten iz državne službe kao rezultat disciplinske mjere na bilo kojem nivou vlasni u Bosni i Hercegovini u periodu od tri godine prije dana objavljivanja upražnjene pozicije
- Da nije obuhvaćen odredbom člana IX.1. Ustava Bosne i Hercegovine.

Posebni uslovi:

- Završen Pravni fakultet (diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja)
- Položen pravosudni ispit
- Posjedovanje najviših moralnih osobina za obavljanje poslova Pravobranilaštva
- Najmanje tri godine radnog iskustva, nakon položenog pravosudnog ispita, na imovinsko-pravnim poslovima u Pravobranilaštvu, pravosudnim organima i drugim državnim organima, preduzećima i drugim pravnim licima

Prilikom ocjene kvalifikacije i iskustva uzet će se u obzir i sljedeće:

- komunikativnost i organizacijske sposobnosti, kao i sposobnost kreativnog doprinosa u izradi općinske pravne regulative
- rezultati ostvareni tokom karijere i naklonjenost timskom radu

Uz prijavu kandidati su obavezni priložiti sljedeće:

- Kraću biografiju sa adresom i kontakt telefonom, svojeručno potpisanu
- Diplomu o završenom Pravnom fakultetu (original ili ovjerenu kopiju)
- Uvjerenje o položenom pravosudnom ispitu (original ili ovjerenu kopiju)
- Uvjerenje o radnom iskustvu (original ili ovjerenu kopiju- ne starije od 6 mjeseci)
- Uvjerenje o državljanstvu (ne starije od 6 mjeseci)
- Izvod iz matične knjige rođenih

- Uvjerenje da se protiv kandidata ne vodi krivični postupak (ne starije od 3 mjeseca)
- Uvjerenje da kandidat nije osuđivan za krivično djelo i privredni prijestup koji predstavlja smetnju za imenovanje na upražnjenu poziciju u roku od pet godina od dana izdržane, izmirene, zastarjele ili oprostene kazne (ne starije od 3 mjeseca)
- Ovjerenu izjavu da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije
- Ovjerenu izjavu da kandidat nije obuhvaćen članom IX.1. Ustava Bosne i Hercegovine.

Imenovani kandidat će biti obavezan dostaviti i ljekarsko uvjerenje o zdravstvenoj sposobnosti prije preuzimanja dužnosti Općinskog pravobranioca.

Prijave sa traženom dokumentacijom dostavljaju se neposredno u Općinu ili putem pošte u zatvorenoj koverti na adresu:

OPĆINA VOGOŠĆA, ULICA JOŠANIČKA BR. 80, SA NAZNAKOM „KOMISIJI ZA PROVOĐENJE PROCEDURA ZA IMENOVANJE PRAVOBRANIOCA OPĆINE VOGOŠĆA“, u roku od 15 dana od dana posljednje objave Oglasa.

Oglas će se objaviti u „Službenim novinama Federacije BiH“, dnevnim listovima „Dnevni avaz“ i „Oslobođenje“, kao i na web stranici Općine Vogošća.

Nepotpune i neblagovremene prijave se neće uzeti u razmatranje.

Broj:02-04-142/25
Vogošća, 05.02.2025. godine



OPĆINSKI NAČELNIK

Migdad Hasanović
Migdad Hasanović